

Tin **Speransa** pasobra **SEÑOR, Dios Tata** a bisa: "**Mi ta ku bo**"

SEÑOR tabata ku Abraham (**Gen. 22**), **SEÑOR** a bisa Izaak: "**Mi ta ku bo**" (**Gen. 26:3 & 24**). **SEÑOR** a bisa Jakòb: "**Mi ta ku bo**" (**Gen. 28:15 & 31:3**) i **SEÑOR** tabata ku Jose (**Gen. 48:21**). **SEÑOR** a bisa Moisés: "**Mi ta ku bo**" (**Eks. 3:12**), meskos ku **SEÑOR** a bisa Josué (**Jos. 1:5 & 3:7**), Isaias (**Isa. 41:10 & 43:5**), Jeremias (**Jer. 1:8**) i Hageo (**Hag. 1:13**): "**Mi ta ku bo**".

SEÑOR ta bisa abo awe: "**Mi ta ku bo**". E nifikashon di "**Mi ta ku bo**" ta ku **Dios Tata** ta **anhelá** pa tin un **Relashon** ku abo i ami. **Dios Tata** su **anhelo** ta un **Relashon** ku abo i ami. **Dios Tata** ta buska un **Relashon** ku abo i ami. **Dios Tata** a manda su úniko yu **Yeshua** na **mundu** pa abo i ami, sin niun restriksyon. **Dios Tata** Su brasanan ta hanchu habri, ta wardando bo **manera bo ta**.

Dios Tata ta bisa: "**Bini manera bo ta, Mi ta ku bo**".

Dios Tata ta bisa: "**Buska Mi unda ku bo ta, Mi ta ku bo**".

Dios Tata ta bisa: "**Papia ku Mi den tur momento, Mi ta ku bo**".

Dios Tata ta bisa: "**Habri e porta di bo kurason, Mi ta ku bo**".

Dios Tata ta bisa: "**Drenta den Mi Santuario Santísimo, Mi ta ku bo**".

Dios Tata ta bisa: "**Buska un Relashon ku Mi manera bo ta, Mi ta ku bo**".

Ta **Dios Tata** so por **Kambia** abo dor di **Su Spiritu Santu**. Abo por buska tur kaminda, pero e **Lus Leal** ta **ún** so tin; **Dios Tata**. **Dios Tata** kièr un relashon den **Realidat** i **Bèrdat** yen di **Speransa** pa abo su futuro briante. Un **Relashon** ta algu otro ku **Religion**. **Dios Tata** ta bisa: "**Bini manera bo ta, Mi ta ku bo**" pa asina **Su Spiritu Santu** por **Kambia** abo i duna abo un futuro briante. Awor si abo no kièr **Kambia** bo maneranan, bo kustumbènan, bo manera di papia, bo manera di bisti, bo manera di hasi, bo manera di anda etcetera, ta kon abo su **Relashon** lo ta ku **Dios Tata**? **SEÑOR** a bisa: "**Mi ta ku bo**" ku **ún propósito**, pa **Kambia** abo i yuda abo den bo bida pa un futuro briante. Si abo no **Kambia** bo kustumbènan òf bo manera di papia, hasi, anda etcetera, den abo su búskeda di **Dios Tata** e **Relashon** ta kore e risiko di bira un **Religion**. **Religion** ta e búskeda di **Dios** i ora e hende no por a haña **Dios**, el a hasi e búskeda bira e **Destino** (Dr Myles Munroe).

Ta ora hende no kièr **Kambia**, nan ta bisa **Dios** no ta tende mi orashon, ta unda **Dios** ta? Ora hende no kièr **Kambia** nan ta praktiká **Religion**, pasobra nan no kièr e **Relashon** ku **Dios Tata** ta **anhelá** asina tantu pa tin ku nan. **Religion** ta bisa ku **Yeshua Mesias** a hasi tur kos kaba i abo no tin mester di **Kambia**, pero esaki ta un **mentira**. **Dios Tata** ta un **Dios Santismo** i **Su** reglanan no a **Kambia**. Meskos ku **Dios Tata** a bisa Moisés: "**Mi ta ku bo**" tambe **Dios Tata** a bisa sea **Santu** pasobra **AMI** boso **Dios** ta **Santu** (**Lev. 19:2**). E **Realidat** i **Bèrdat** ta ku si abo no kièr **Kambia** abo lo no por tin un **Relashon** ku **Dios Tata**, ma abo lo tin un **Religion** ku ta tokante di **Dios Tata**.

Dios Tata no kièr **Religion** pero ta **anhelá** un **Relashon** den **Realidat** i **Bèrdat** yen di **Speransa** pa bo futuro briante. Esaki ta e **Realidat** i **Bèrdat** di e **Relashon** ku **SEÑOR, Dios Tata** ta **anhelá** ora E bisa: "**Mi ta ku bo**".

13 yanüari 2017

Sea Bendishoná den e Amor di Yeshua Mesias

Rev. Remsly L Riley